

春秋左傳杜注

春秋左傳杜注卷第十

華亭姚培謙學

宣公

名倭一名接又作委文公子母敬嬴釀法善問周達曰宣

經元年春王正月公即位傳無○公子遂如齊逆女

不譏夜娶者不待貶責而自明也卿為君逆例在文四年三月遂以夫人婦姜至自齊婦

有姑之辭不書氏史闕文○夏季孫行父如齊○晉放其大夫胥甲

父于衛放者受罪黜免宥之以遠○公會齊侯于平州平州齊地在泰山牟縣西○今山東濟南

府萊蕪縣西有平州城○公子遂如齊○六月齊人取濟西田魯以

齊人不用師徒故曰取○秋邾子來朝傳無○楚子鄭人侵陳遂侵

宋晉趙盾帥師救陳

傳言救陳宋經無宋字蓋闕

宋公陳侯衛侯曹

伯會晉師于棗林伐鄭

晉師救陳宋四國君往會之共伐鄭也。不言會趙盾取於兵會非好會也。棗林

鄭地滎陽宛陵縣東南有林鄉。今林鄉城在河南開封府新鄭縣東二十五里。孔疏晉本與師為救陳宋但楚師已去故四國之君往會晉師與共伐

鄭 ○冬晉趙穿帥師侵崇 ○晉人宋人伐鄭

傳元年春王正月公子遂如齊逆女尊君命也

諸侯

之卿出入稱名氏所以尊君命也。傳于此發者與還文不同故釋之。

三月遂以夫人婦姜至自

齊尊夫人也

遂不言公子替其尊稱所以成小君之尊也。公子當時之寵號非族也故傳不言舍族釋綱論之備矣。○公羊傳遂

何以不稱公子一事而再見者卒名也。按左氏尊君命尊夫人之說非劉氏敲駁之

○夏季文子如齊納賂以明會

宣公篡立未列於會故以賂請之

○晉人討不用命者。放胥甲父于衛。

胥甲下軍佐。文十二年戰河曲。不肯

薄秦於險。

而立胥克。

克甲之子。

先辛奔齊。

辛甲之屬大夫。胡傳秦晉戰于河曲。撓史駢之謀者。

趙穿也。若討其不用命。則當以穿為首。止治軍門之呼。偕貶可也。而獨放胥甲父。則以趙盾當國。穿其族子。而盾庇之也。

○會于平州。以定公位。

篡立者。諸侯既與之會。則不得復討。臣子殺之。與弑君同。故公與齊會而位定。

東門襄仲如齊拜成。

謝得會也。

○六月。齊人取濟西之田。為立公故。以賂齊也。

濟西。

故曹地。僖三十一。年。晉文以分魯。

○宋人之弑昭公也。

在文十六年。

晉荀林父以諸侯之師

伐宋。宋及晉平。宋文公受盟于晉。又會諸侯于扈。

將爲魯討齊皆取賂而還

文十五年十七年二虜之盟皆受賂

鄭穆公曰

晉不足與也遂受盟于楚陳共公之卒楚人不禮

焉

卒在文十三年

陳靈公受盟于晉秋楚子侵陳遂侵宋晉

趙盾帥師救陳宋會于榘林以伐鄭也楚蔣賈救

鄭遇于北林

與晉師相遇滎陽中牟縣西南有林亭在鄭北○今屬開封府

囚晉解揚晉人

乃還

解揚晉大夫

○晉欲求成於秦趙穿曰我侵崇秦急崇必救之

崇秦之與國

吾以求成焉冬趙穿侵崇秦弗與成

○晉人伐鄭以報北林之役

報因解揚

於是晉侯侈趙宣

子爲政驟諫而不入故不競於楚

競強也爲明年鄭伐宋張本

經二年春王二月壬子宋華元帥師及鄭公子歸

生帥師戰于大棘宋師敗績獲宋華元

得大夫生死皆曰獲例在昭二

十三年大棘在陳留襄邑縣南○今河南歸德府睢州西曲棘里有棘城又寧陵縣西南七里有大棘城亦與睢相近

○秦師伐

晉○夏晉人宋人衛人陳人侵鄭

鄭爲楚伐宋獲其大夫晉趙盾與諸侯之師將

爲宋報恥畏楚而還失霸者之義故貶稱人

○秋九月乙丑晉趙盾弒其君夷

臯

臯公不君而稱臣以弒者以示良史之法深責執政之臣例在四年

○冬十月乙亥天王崩

無傳

傳二年春鄭公子歸生受命于楚伐宋

受楚命也

宋華元

樂呂御之二月壬子戰于大棘宋師敗績囚華元

獲樂呂

樂呂司寇獲不書非元帥也獲生死通名經言獲華元故傳特護之曰囚以明其生獲故得見贖而還

及甲車

四百六十乘俘二百五十人馘百人狂狡輅鄭人

鄭人入于井

狂狡宋大夫輅迎也輅五嫁反

倒戟而出之獲狂狡君

子曰失禮違命宜其為禽也戎昭果毅以聽之之

謂禮

聽謂當存于耳著於心總聞其政令者直略反。顧氏炎武曰聽猶聽政之聽

殺敵為果致果為

毅易之戮也

易反

將戰華元殺羊食士其御羊斟不

與及戰曰疇昔之羊子為政

疇昔猶前日也。食音嗣與音預

今日之

事我為政與入鄭師故敗君子謂羊斟非人也以

其私憾敗國殄民

憾恨也殄盡也

於是刑孰大焉詩所謂人

之無良者

詩小雅義取不良之人相怨以亡

其羊斟之謂乎殘民以逞

宋人以兵車百乘文馬百駟

畫馬為文四百匹。孔疏若朱其尾鬣之類

以贖

華元于鄭半入華元逃歸立于門外告而入

告宋城門而後

入言不苟

見叔牂曰子之馬然也

叔牂羊斟也車賤得先歸華元見而慰之。牂音臧

對曰非

馬也其人也

叔牂知前言以顯故不敢讓罪

既合而來奔

叔牂言畢遂奔魯合猶答也

宋

城華元為植巡功

植將主也。植直吏反將去聲。孔疏周禮天司馬大役屬其植鄭司農云植謂部曲將吏故宋

城華元為植巡功是植為將領主帥監作者也

城者謳曰睥其目皤其腹弃甲而

復睥出目皤大腹弃甲謂亡師。睥戶板反大目也皤音婆

于思于思弃甲復來

于思多疑之貌。思西才

反復扶又反

使其驂乘謂之曰牛則有皮犀兕尚多弃甲

則那

那猶何也。那乃多反。○言雖弄之何害。

役人曰從其有皮丹漆若何

○言

牛與犀兕之皮可用為甲尚用丹漆為飾若何而得之也。

華元曰去之夫其口衆我寡

傳者

不吝其咎寬而容眾

○秦師伐晉以報崇也

伐崇在元年

遂圍焦

焦晉河外邑。括地志陝縣有故焦城今

在河南河南府陝州城內

夏晉趙盾救焦遂自陰地及諸侯之師侵

鄭

陰地晉河南山北自上洛以東至陸渾。○上洛今陝西西安府洛南縣陸渾今河南府嵩縣其地南阻終南北臨大河所謂河南山北也。又河南

府廬氏縣東北有陰地城

以報大棘之役楚鬬椒救鄭曰能欲諸侯

而惡其難乎遂次于鄭以待晉師趙盾曰彼宗競

于楚殆將斃矣

競強也鬬椒若敖之族自子文以來世為令尹。難去聲。

姑益其疾乃去

之欲示弱以驕之傳言趙盾所以稱人且為四年楚滅若敖氏張本○呂氏
大圭曰諸侯之從晉也謂晉之可依也率諸侯以討宋乃立公子鮑而還
是立賊也鄭由是謂晉為不足與而從楚以侵宋晉乃託宋以伐鄭鄭復使
歸生伐宋蓋有辭于宋也晉復黨宋以侵鄭一動之非義而與國叛之敵國
侮之彼得以奉辭而我罷于奔命至一
再而未已也伯主之舉動詎可輕哉

○晉靈公不君

失君道也以明于例應稱國以弑

厚斂以彫牆彫畫也從臺

上彈人而觀其辟丸也

○彈徒○彈徒宰夫肺熊蹯不熟殺

之寘諸舂使婦人載以過朝

舂以草索為之官屬○肺首而煮也蹯音煩舂音本趙盾

士季見其手問其故而患之將諫士季曰諫而不

入則莫之繼也會請先不入則子繼之三進及溜

而後視之

士季隨會也三進三伏公不省而又前也公知欲諫故佯不視○溜力救反屋雷也

曰吾知所

過矣將改之稽首而對曰人誰無過過而能改善

莫大焉詩曰靡不有初鮮克有終詩大雅也夫如是則能

補過者鮮矣君能有終則社稷之固也豈唯羣臣

賴之又曰衮職有闕惟仲山甫補之能補過也詩大雅也

衮君之上服闕過也言服衮者有過則仲山甫能補之君能補過衮不廢矣常服衮也猶不

改宣子驟諫公患之使鉏麇賊之鉏麇匹力士○鉏仕俱反麇音倪晨

往寢門闢矣盛服將朝尚早坐而假寐不解衣冠而睡麇退

歎而言曰不忘恭敬民之主也賊民之主不忠弃

君之命不信有一於此不如死也觸槐而死觸槐庭樹

秋九月晉侯飲趙盾酒伏甲將攻之其右提彌明

知之

右車右。飲去聲。提上支反。

趨登曰臣侍君宴過三爵非禮也

遂扶以下公嗾夫獒焉明搏而殺之

獒猛犬也。嗾素口反。說文云使犬也。搏

音博。爾雅。狗四尺為獒。

盾曰弃人用犬雖猛何為

責公不養士而更以犬為己用。鬪且

出提彌明死之初宣子田於首山舍于翳桑

田獵也。翳桑桑

之多陸翳者首山在河東蒲坂縣東南。駭羽於計反。首山即首陽山在今山西平陽府蒲州東南。

見靈輒餓問其病

靈輒晉人

曰不食三日矣食之舍其半問之曰宦三年矣

宦學也。食之音嗣下同。舍音捨。孔疏曲禮云宦學事師則二者俱是學也。但宦者學仕宦學者尋經藝以此為异耳。

未知母之

存否今近焉

去家近

請以遺之使盡之而為之簞食與

肉

簞筍也。○遺去聲。筍思嗣反。○孔疏鄭玄曲禮注云。圓曰簞。方曰筍。然則俱是竹器。方圓異名耳。故以簞為筍。

寘諸橐以

與之。既而與為公介。

靈輒為公甲士。而與音預。

倒戟以禦公徒而

免之。問何故對曰。翳桑之餓人也。問其名居。

問所居。

不

告而退。

不望報也。

遂自亡也。

報亦去。

乙丑趙穿攻靈公於桃園

穿趙盾之從父昆弟子。乙丑九月二十七日。

宣子未出山而復

晉竟之山也。盾出奔。聞公弒而還。

大

史書曰。趙盾弒其君。以示於朝。宣子曰。不然。對曰。

子為正卿。亡不越竟。反不討賊。非子而誰。宣子曰。

烏呼。我之懷矣。自貽伊戚。其我之謂矣。

逸詩也。言人多所懷。則自遺。

憂孔子曰。董狐古之良史也。書法不隱。

不隱。盾之罪。

趙宣

子古之良大夫也。爲法受惡。

善其爲法受屈。○爲去聲。

惜也。越竟乃

免。

越竟則君臣之義絕。可以不討。賊。○趙氏臣曰。按董狐云。亡不越竟。言其宋遠。而君被弑。反又不討賊。狀涉同謀。爾非謂越竟即無罪也。作傳者不

達此意。遂傳會爲此言。若然者。女臣令人殺君。身越竟而還。卽爲無罪乎。

宣子使趙穿逆公子黑臀。

于周而立之。

黑臀。晉文公子。

壬申朝于武宮。

壬申十月五日。既有日而無月。冬又在壬申下。

明傳文無較。例。○較音角。

○初麗姬之亂。詛無畜羣公子。

詛。盟誓。○麗力如反。○孔疏。爲美齊。車子以庶篡適。晉國制

其爲亂不用。復畜公子。

自是晉無公族。

無公子。故廢公族之官。○掌教公之子弟。

及成公即位。

乃宦卿之適。而爲之田。以爲公族。

宦。仕也。爲置田邑。以爲公族大夫。○適。丁歷反。

爲置去聲。

又宦其餘子。亦爲餘子。

餘子。適子之母弟也。亦治餘子之政。○主教卿大夫適妻之次子。

其

庶子爲公行

庶子妻子也。率率公戎行。行音杭。

晉於是。有公族餘子公

行皆官名

趙盾請以括爲公族

括趙盾異母弟。趙姬之中子。屏季也。屏步丁反。

曰君

姬氏之愛子也

趙姬文公女。成公姊也。

微君姬氏。則臣狄人也。公

許之

盾狄外孫也。姬氏逆之。以爲適。事見僖二十四年。

冬。趙盾爲旄車之族

旄車公行之官。盾本卿。適

其子當爲公族。辟屏季。故更掌旄車。孔疏。王公車行列。謂之公行。車皆建旄。謂之旄車之族。

使屏季以其故族

爲公族大夫

盾以其故官屬。與屏季。使爲衣衾之適。衰初危反。孔疏。原同長。而使趙括者。沈氏云。君姬氏之愛子故。

經三年春。王正月。郊牛之口傷。改卜牛。牛死。乃不

郊

牛不稱牲。未卜日。

猶三望。○葬匡王

無傳四月。而葬速。

○楚子伐陸

渾之戎

渾戶昏反。

○夏。楚人侵鄭。○秋。赤狄侵齊。

無傳。

宋師圍曹○冬十月丙戌鄭伯蘭卒再與文同盟○葬鄭

穆公無傳○葬不月闕文

傳三年春不郊而望皆非禮也言牛雖傷死當更改卜取其吉者郊不可廢也前年冬天

王崩未葬而郊者不以王事廢天事禮記曾子問天子崩未殯五祀不行既殯而祭自啓至于反哭五祀之祭不行已葬而祭○胡傳禮為天王服斬衰

周人告喪于魯史策已書而未葬也祀帝于郊夫豈其時望郊之屬也不郊亦無望可也

已有例在僖三十一年復發傳者嫌牛死與卜不從異

○晉侯伐鄭及邲鄭及晉平士會入盟邲鄭地為夏楚侵鄭傳○邲音

延○或云即廩延今河南開封府延津縣也

○楚子伐陸渾之戎遂至于雒觀兵于周疆雒水出上雒冢

領山至河南

鞏縣入河

定王使王孫滿勞楚子

王孫滿周大夫。勞去聲。

楚子問鼎

之大小輕重焉

示欲偏周取天下

對曰在德不在鼎昔夏之

方有德也

禹之世

遠方圖物

圖畫山川奇異之物而獻之

貢金九牧

使九州之牧貢

金鑄鼎象物

象所圖物若存之於鼎

百物而為之備使民知神姦

圖鬼

物之形使民逆備之

故民入川澤山林不逢不若

若順也

螭魅罔兩

嶠山神獸形魅罔兩水神

莫能逢之

逢遇也

用能協于上下以承天休

民無災害則上下和而受天祐

桀有昏德鼎遷于商載祀六百

載祀皆年。兩雅當曰祀

唐虞曰載周曰年夏曰歲

商紂暴虐鼎遷于周德之休明雖小重也

不可遷

其姦回昏亂雖大輕也

言可移

天祚明德有所底止

底致也。祚才故反。底音旨。

成王定鼎于郊廓

郊廓今河南也。武王遷之成王定之。郊古洽反。廓音辱。

世三十。卜年七百。天所命也。周德雖衰。天命未改。鼎之輕重。未可問也。

○夏楚人侵鄭。鄭即晉故也。

○宋文公即位三年。殺母弟須及昭公子。武氏之謀也。武氏謀奉母弟須及昭公子以作亂。事在文十八年。使戴桓之族攻武氏於司馬

子伯之館。盡逐武穆之族。武穆之族以曹師伐宋。秋。宋師圍曹。報武氏之亂也。

○冬。鄭穆公卒。初。鄭文公有賤妾。曰燕姑。

姑南燕姓。姑其乙反。

夢天使與已蘭

蘭香草

曰余為伯儵余而祖也

伯儵南燕祖
儵音儵

以是為而子

以蘭為女子
名。女音汝

以蘭有國香人服媚之如是

媚愛也欲令人愛之如蘭

既而文公見之與之蘭而御之辭曰妾不

才幸而有子將不信敢徵蘭乎

懼將不見信故欲計所賜蘭為懷子月數

公曰

諾生穆公名之曰蘭文公報鄭子之妃曰陳媯

叔父子儀也漢律淫季父之妻曰報

生子華子臧子臧得罪而出

出奔宋

誘子

華而殺之南里

在僖十六年南里鄭地

使盜殺子臧於陳宋之間

在僖二十四年

又娶于江生公子士朝于楚楚人酖之及葉

而死

葉楚地今南陽葉縣。酖音陰。楚人酖之。及葉。今河南南陽府葉縣南二十里有古葉城。

又娶于蘇生子

瑕子俞彌。俞彌早卒。洩駕惡瑕。文公亦惡之。故不

立也。

洩駕鄭大夫

公逐羣公子。公子蘭奔晉。從晉文公伐

鄭。

在僖三十年

石癸曰。吾聞姬姑耦。其子孫必蕃。

姬姓宜爲姬配耦

姑。吉人也。后稷之元妃也。

姬姓之女爲后稷妃。周是以興。故曰吉人。

今公子蘭

姑甥也。天或啓之。必將爲君。其後必蕃。先納之。可

以亢寵。

亢極也

與孔將鉏。侯宣多納之。盟於大宮而立

之。

大宮鄭祖廟。大音泰。

以與晉平。穆公有疾。曰。蘭死。吾其死乎。

吾所以生也。刈蘭而卒。

傳言穆氏所以大興於鄭。天所啓也。

經四年春。王正月。公及齊侯。平莒及郟。莒人。不肯。

公伐莒取向

莒郟二國相怨故公與齊侯共平之向莒邑東海承縣東南有向城遠疑也○郟齊故郟國今為郟城縣屬於山東兗

州府故郟城在臨沂而南故郟城在承之縣反古承縣在今兗州府縣西北一里按寰宇志云莒州南七十里亦有向城今州屬山東青州府

○秦

伯稻卒

無傳未同盟○秦共公也

○夏六月乙酉鄭公子歸生弑其

君夷

傳例曰稱臣臣之罪也子公實弑而書子家罪其權不足也○張氏洽曰歸生位為上卿久執大權國事由已乃不能鎮服姦邪遏絕萌孽又

脅于邪謀撓而從之位尊責重故春秋定為弑首以戒大臣不能持正而阿附惡人者所以示國討之法而明事君之義也

○赤狄侵

齊

無傳

○秋公如齊

無傳

公至自齊

無傳告於廟例在桓二年

○冬楚子

伐鄭

傳四年春公及齊侯平莒及郟莒人不肯公伐莒

取向非禮也平國以禮不以亂伐而不治亂也

齊公志先

以禮治之而用伐以亂平亂何治之有無治何以行禮

○楚人獻鼃於鄭靈公穆公犬子夷也公子宋與子家將見

宋子公也子家歸生子公之食指動第二指也以示子家曰他日我如

此必嘗異味及入宰夫將解鼃相視而笑公問之

問所笑子家以告及食大夫鼃召子公而弗與也欲使指動無效

○食音嗣子公怒染指於鼎嘗之而出公怒欲殺子公子

公與子家謀先先公為難子家曰畜老猶憚殺之六畜○畜許又反

而况君乎○胡傳以畜老憚殺比方君父歸生之心悖矣反譖子家子家懼而從

之譖子家於公夏弒靈公書曰鄭公子歸生弒其君夷權

不足也

子家權不足以禦亂懼譖而從弑君故書以首惡

君子曰仁而不武無能達

也

初稱畜老仁也不討子公是不武也故不能自通于仁道而陷弑君之罪

凡弑君稱君君無道也

稱臣臣之罪也

稱君謂唯書君名而稱國以弑言衆所共絕也稱臣者謂書弑者之名以示來世終為不義改殺稱弑辟

其惡名取有漸也書弑之義釋例論之備矣

鄭人立子良

穆公庶子辭曰以賢則去疾

不足

去疾子良名

以順則公子堅長乃立襄公

襄公堅也襄公將

去穆氏

逐羣兄弟

而舍子良

以其讓已

子良不可曰穆氏宜存則

固願也若將亡之則亦皆亡去疾何為

何為獨留

乃舍之

皆為大夫

○初楚司馬子良生子越椒子文曰必殺之

子文子良之兄

是子也。熊虎之狀，而豺狼之聲，弗殺必滅。若敖氏
矣。諺曰：狼子野心。是乃狼也。其可畜乎？子良不可。
子文以爲大感，及將死，聚其族曰：椒也知政，乃速
行矣。無及於難。且泣曰：鬼猶求食，若敖氏之鬼不
其餒而而語助及令尹子文卒，鬬般爲令尹。言必餒

班子越爲司馬，薦賈爲工正。譖子揚而殺之。子越

爲令尹，已爲司馬。

賈爲椒譖子揚而已
得椒處○薦子委反

子越又惡之。惡乃以

若敖氏之族，圍伯贏於轅陽而殺之。

圍囚也。伯贏，薦賈也。
轅陽，楚邑。○圍音緡。

聲音

遂處烝野，將攻王。王以三王之子爲質焉，弗受。

烝野楚邑三王文

成穆○質音致

師于漳澚

漳澚漳水邊○漳水出新城沛鄉縣至當陽縣東南五十里與沮水合名合潒潒當陽今

屬湖廣安陸府

秋七月戊戌楚子與若敖氏戰于臯澚

臯澚楚地○澚

音虎伯棼射王汰輶及鼓跗著於丁寧

伯棼越椒也輶車轆汰過也箭過車轆上

丁寧鉦也○射食亦反汰他末反著直略反○跗音阜車上不得置箕箕以縣鼓故為作跗若般之楹鼓也

又射汰輶以貫

笠轂

兵車無蓋尊者則人執笠依轂而立以禦寒暑名曰笠轂此言箭過車轆及王之蓋

師懼退王使巡

師曰吾先君文王克息獲三矢焉伯棼竊其二盡

於是矣鼓而進之遂滅若敖氏初若敖娶於邲邲名

邲音云○通典邲或作鄆今湖廣德安府安陸縣有鄆城古鄆圍也

生鬬伯比若敖卒從其母畜

於邲畜養也

淫於邲子之女生子文焉邲夫人使弃諸

夢中

夢澤名江夏安陸縣城東南有雲夢城
○夢音蒙○今德安府雲夢縣治是也

虎乳之邳子田見

之懼而歸夫人以告

告女私通所生

遂使收之楚人謂乳穀

謂虎於菟故命之曰鬪穀於菟以其女妻伯比

伯比所淫

者○穀奴口反於音鳥菟音徒

實為令尹子文

鬪氏始自子文為令尹

其孫箴尹克黃

箴尹官名克黃子揚之子

使於齊還及宋聞亂其人曰不可以入矣

箴尹曰弃君之命獨誰受之君天也天可逃乎遂

歸復命而自拘於司敗王思子文之治楚國也曰

子文無後何以勸善使復其所改命曰生

易其名也

○冬楚子伐鄭鄭未服也

前年楚侵鄭不獲成故曰未服

經五年春公如齊夏公至自齊○秋九月齊高固

來逆叔姬

高固齊大夫不書女歸降於諸侯

○叔孫得臣卒

無傳不書日公不與小斂○

冬齊高固及子叔姬來

叔姬實固反馬

○楚人伐鄭

傳五年春公如齊高固使齊侯止公請叔姬焉留公

強成昏

夏公至自齊書過也

公既見止逆昏于隣國之臣厭尊毀列累其先君而于廟行飲至之禮故書以

示過○厭於涉反累去聲

○秋九月齊高固來逆女自爲也故書曰逆叔姬

卿自逆也

適諸侯稱女適大夫稱字所以別尊卑也此春秋新例故稱書曰而不言凡也不于莊二十七年發例者嫌見逼而成昏

因明之○

冬來反馬也

禮送女留其送馬謙不敢自安三月廟見遣使反馬高固遂與叔姬俱寧故經傳具見以

示譏。○孔疏：送女適於夫氏，留其所送之馬，諫不敢自安于夫。若被出，棄則將乘之以歸，故留之也。至三月，朔見夫婦之情，既固則夫來遣使反其所留之馬，以示與之偕老，不復歸也。法當遣使不合親行，胡傳禮女子有行遠父母者，歲一歸寧，今見逆逾時，未多歲也，而叔姬亟來，亦非禮也。

○楚子伐鄭，陳及楚平，晉荀林父救鄭伐陳。

為明年晉衛侵

陳傳

經六年春，晉趙盾、衛孫免侵陳。○夏四月。○秋八

月，冬。

無傳。○程子曰：冬，蟲也。

○冬十月。

傳六年春，晉衛侵陳，陳即楚故也。

○夏，定王使子服求后于齊。

子服，周大夫。

○秋，赤狄伐晉，圍懷及邢、邱。

邢，邱今河內平臯縣。○今河南懷慶府河內縣東南七十里。

平臯故城

晉侯欲伐之中行桓子曰使疾其民

驕則數戰以爲民所疾

盈其貫將可殪也

殪盡也貫猶習也。殪於計反。劉氏炫曰按尚書泰誓武王數紂之惡云商罪貫盈言紂之爲

惡如物在繩索之貫不得爲習也

周書曰殪戎殷

周書康誥也義取周武王以兵伐殷盡滅之

此類

之謂也

爲十五年晉滅狄傳

○冬召桓公逆王后于齊

召桓公王歸士事不關魯故不書爲成二年王甥舅張本

○楚人伐鄭取成而還

九年十一年僞所稱厲之役蓋在此

○鄭公子曼滿與王子伯廖語欲爲卿

二子鄭大夫○哀子彫反

廖告人曰無德而貪其在周易豐三三三

下震之離

三三

豐上六變而爲純離也周易論議說說不... 取無德而大其

屋不過三歲必滅亡。○都步
口反。闕苦規反。闕苦鷄反。

弗過之矣。

不過
三年

閒一歲。鄭人殺之。

閒
去聲

經七年春，衛侯使孫良夫來盟。○夏，公會齊侯、伐

萊。

傳例曰：不與謀也。萊，國。今東萊黃縣。○今
屬山東登州府縣東南二十里有萊子城。

秋，公至自伐萊。

無傳○

大旱。

無傳。書旱而不書
雲，雲無功或不雲。

○冬，公會晉侯、宋公、衛侯、鄭伯。

曹伯于黑壤。

○今山西澤州沁水縣西北四十里黑嶺周宇。
文泰改為烏嶺。寰宇記云：即春秋晉黑壤也。

七年春，衛孫桓子來盟，始通且謀會晉也。

公即位
衛始修

好。

○夏，公會齊侯，伐萊，不與謀也。凡師出，與謀曰及。

不與謀曰會

與謀者謂同志之國相與講議利害計成而行之故以相連及為文若不獲已應命而出則以外合為文皆據

魯而言師者國之大事存亡之所由故詳其舉動以例別之

○赤狄侵晉取向陰之禾

此無秋字蓋闕文晉用桓子謀故絕秋。向舒亮反。孔疏苗秀乃名為禾

夏則無禾可取知此取必在秋

○鄭及晉平公子宋之謀也故相鄭伯以會冬盟

于黑壤王叔桓公臨之以謀不睦

王叔桓公周卿士衛天子之命以監臨諸侯不

同歎者尊卑之別也

晉侯之立也

在二年

公不朝焉又不使大夫聘

晉人止公于會盟于黃父公不與盟以賂免

黃父即黑壤

故黑壤之盟不書諱之也

慢盟主以取執止之原故諱之

經八年春公至自會

無傳義與五年書過同

○夏六月公子遂如

齊至黃乃復

無傳蓋有疾而還大夫受命而出雖死以尸將車遂以疾還非禮也

○辛巳有事于

大廟仲遂卒于垂

有事祭也仲遂卒與祭同日畧書有事為釋張本不言公子因上行還間無異事省文從可知也稱

字時君所嘉無義例也垂齊地非魯竟故書地○垂當在山東兗州府平陰縣境胡傳易為書字生而錫氏俾世其官也

壬午猶釋

萬入去籥

釋又祭陳昨日之禮所以賓尸萬舞名籥管也猶者可止之辭魯人知卿佐之喪不宜作樂而不知廢釋故內舞去籥

惡其聲聞○呂氏祖謙曰萬舞文武二舞之總名籥舞文舞之別名文舞又謂之羽舞蓋文舞吹籥乘翟羽也萬入去籥者文武二舞俱入于二舞中去籥者

○楚人滅舒蓼○秋七月甲子日有食之既

無傳月三十日

食○陸氏九淵曰日之食必在朔食不在朔歷差也

○冬十月己丑葬我小君敬嬴

敬

嬴姓也反哭成喪故稱葬小君

雨不克葬庚寅日中而克葬

克成也

○城平

陽

今泰山有平陽縣○今山東濟南府新泰縣西北四里平陽故城是也

○楚師伐陳

傳

八年春白狄及晉平夏會晉伐秦

經在仲遂卒下從赴

晉人

獲秦謀殺諸絳市六日而蘇

蓋記異也○謀徒協反間也今謂之細作

○有事于大廟襄仲卒而繹非禮也

胡傳禮大夫卒當祭則不告終事而聞

則不繹不告者盡肅敬之誠於宗廟不繹者全始終之恩於亞子也

○楚爲衆舒叛故伐舒蓼滅之

舒蓼二國名○二國按孔疏以爲蓋轉寫誤當云一國名

今江南廬州府廬江縣西故舒城是也

楚子疆之

正其界也

及滑汭

滑水名也○當在今廬州府東境

盟

吳越而還

吳國今吳郡越國今會稽山陰縣也傳言楚疆吳越服從○吳郡今江南蘇州府山陰縣今屬浙江紹興府

○晉胥克有蠱疾

或以

喪志卻缺爲政

代趙

秋廢胥克使趙

朔佐下軍

朔盾之子代胥克爲成十七年胥童怨卻氏張本

○冬葬敬嬴旱無麻始用葛萆

記禮變之所由萆所以引柩殯則有之以備火葬則以下

柩

雨不克葬禮也禮卜葬先遠日辟不懷也

懷思也○穀梁

傳葬既有日不爲雨止禮也雨不克葬喪不以制也孫氏復曰讖無備也

○城平陽書時也

趙氏鵬飛曰左氏例水昏正而裁水昏正夏之十月非周之十月也今見書十月遂謂之時是不

識夏周正朔之異也

○陳及晉平楚師伐陳取成而還

言晉楚爭彊

經九年春王正月公如齊

無傳

公至自齊

無傳

○夏仲

孫蔑如京師

○仲孫蔑公孫敖之孫

○齊侯伐萊

無傳

○秋取根牟

根牟東夷國也今琅邪陽都縣東有牟鄉○在今山東青州府沂水縣南

○八月滕子卒

未同盟

○九月

晉侯宋公衛侯鄭伯曹伯會于扈晉荀林父帥師

伐陳辛酉晉侯黑臀卒于扈

卒于竟外於書地四與文同盟九月無辛酉日誤

○冬

十月癸酉衛侯鄭卒

無傳三與文同盟

○宋人圍滕○楚子

伐鄭晉卻缺帥師救鄭○陳殺其大夫洩冶

洩冶直諫於淫

亂之朝以取死不為春秋所貴而書名殺梁傅稱以殺其大夫殺無罪也

傳九年春王使來徵聘

徵召也言周徵也徵聘不書徵加諷諭不指斥

夏孟獻子

聘於周王以為有禮厚賄之

○秋取根牟言易也

汪氏克寬曰內諱滅故書取與鄆都同

○滕昭公卒

為宋圍滕傳

○會于扈討不睦也

謀齊陳

侯不會

前年與楚成故

晉荀林父

以諸侯之師伐陳

不書諸侯師林父帥之無將帥

晉侯卒于扈乃還

○冬宋人圍滕因其喪也

○陳靈公與孔寧儀行父通於夏姬皆衷其相服

以戲于朝

二子陳御夏姬鄭穆公女陳大夫御叔妻衷懷也相服近身衣○相女乙反

洩冶諫曰公

卿宣淫民無效焉

宣示也

且聞不令君其納之

納藏相服

公曰

吾能改矣公告二子二子請殺之公弗禁遂殺洩

治孔子曰詩云民之多辟無自立辟其洩治之謂

乎

辟邪也辟法也詩大雅言邪辟之世不可立法國無道危行言孫○上辟音辟下辟音闕黃氏仲炎曰此非孔子之言也昔者紂為不道微子去之

箕子為之奴比干諫而死孔子曰殷有三仁焉以比干為仁則必不以洩治為非矣邦無道危行言孫此世之明哲見幾不仕而高尚者之為也若夫有位於朝食君之祿則既以身許國矣豈可緘默苟容與俗俱靡以自立辟為戒以善保身為得哉此非所以為人臣之訓也

○楚子為厲之役故伐鄭

六年楚伐鄭取成於厲既成鄭伯逃歸事見十一年

晉卻缺

救鄭鄭伯敗楚師于柳棼

柳棼鄭地

國人皆喜唯子良憂

曰是國之災也吾死無日矣

自是晉楚交兵伐鄭十二年卒有楚子入鄭之禍

經十年春公如齊公至自齊

無傳

○齊人歸我濟西

田

元年以賂齊也不言來公如齊因受之

○夏四月丙辰日有食之

無傳不書朔官失之

○己巳齊侯元卒

未同盟而赴以名

○齊崔氏出奔衛

齊略見舉族出

因其告辭以見無罪。孔疏崔杼未有罪也齊人疑其事故不言其名略言崔氏見其舉族出奔耳。

○公如齊五月

公至自齊

無傳

○癸巳陳復徵舒弑其君平國

徵舒陳大夫也

靈公惡不加民故稱臣以弑。胡傳特書徵舒之名氏以見洩治忠言之驗。靈公見弑之由使有國者必以遠色修身包容狂妄直開納諫諍為心也以為罪不及民故稱大夫以弑者非經意矣。

○六月宋師伐滕○公孫歸父如齊

葬齊惠公

無傳歸父襄仲之子

○晉人衛人曹人伐鄭

鄭及

楚平

○秋天王使王季子來聘

王季子者公羊以為天王之母弟然則字季子天子大夫稱字

○公孫歸父帥師伐邾取繹

繹邾邑魯國鄒縣北有繹山。今嶧山在山東兗州府鄒縣東

南二十里蓋縣治徙山北也。嶧與繹通又詳文十三年

○大水

無傳

○季孫行父如齊

○冬公孫歸父如齊齊侯使國佐來聘

既葬成君故稱君命使也○高

氏閱曰嗣子踰年即位始稱君未踰年稱子惠公之葬既速又未踰年而以君命遽遣使來聘焉當凶象而行吉禮忘哀思而結懼好書曰齊侯著其惡

也

○饑

無備有水災嘉穀不成

○楚子伐鄭

傳十年春公如齊齊侯以我服故歸濟西之田

公比年朝

故齊

○夏齊惠公卒崔杼有寵於惠公高國畏其偏也

高國二家齊正卿○杼直呂反

公卒而逐之奔衛書曰崔氏非其罪也

且告以族不以名

典策之法告者皆當書以名今齊特以族告夫子因而存之以示無罪又言且告以族不以名

者明春秋有因而用之不皆改舊史

凡諸侯之大夫違

違齊告於諸侯曰某

氏之守臣某

上某氏者
姓下某名

失守宗廟敢告所有玉帛之

使者則告

玉帛之
使為聘

不然則否

恩好不接故亦不告。胡傳書曰崔
氏以族奔也許翰以謂崔杼出而能

反反而能弑者以其宗彊於此舉氏辨之早也其說得矣又按趙氏臧飛曰
左氏以為崔杼出奔吾疑其附會且自是至崔杼之逆凡五十有一年以七
十言之則今日之奔直未冠耳未冠遠能專齊乎古
者四十而仕五十而齒則至崔杼之弑蓋百歲矣

○公如齊奔喪

公親奔喪非禮也公出朝會奔喪
會葬皆書如不言其事史之常也

○陳靈公與孔寧儀行父飲酒於夏氏公謂行父

曰徵舒似女對曰亦似君徵舒病之

靈公即位於今十五年
徵舒已為卿年大

無嫌是公子蓋以夏姬淫放故
謂其子多似以為戲。女音汝

公出自其廢射而殺之二子

奔楚

○射
音石

○滕人恃晉而不事宋六月宋師伐滕

○鄭及楚平

前年敗楚師恐楚深怨故與之平

諸侯之師伐鄭取成而

還

○秋劉康公來報聘

報孟獻子之聘即王季子也其後食采於劉

○師伐邾取繹

為子家如齊傳

○季文子初聘于齊

齊侯初即位

○冬子家如齊伐邾故也

魯侵小恐為齊所討故往謝

國武于來報

聘

報文子也

○楚子伐鄭晉士會救鄭逐楚師于潁北

潁水出河南陽城至

下蔡入淮。○水經云：潁水出潁川陽城縣西北少室山，又東南過陽翟縣北。注云：潁水又逕上棘城西。左傳：楚師伐鄭，城上棘以涉潁者也。潁水又逕陽翟縣故城北。陽翟，今河南開封府禹州。潁北當在禹州之北。

諸侯之師戍鄭

○鄭子家卒，鄭人討幽公之亂，斲子家之棺而逐其族。以四年弑君故也。鄭薄其棺，不使從卿禮。改葬幽公，謚之曰靈。

經十有一年春，王正月。○夏，楚子陳侯、鄭伯盟于

辰陵

楚復伐鄭，故受盟也。辰陵，陳地，潁川長平縣東南有辰亭。○今河南開封府陳州西南四十里有辰陵亭，故長平城在州西北六十里。

○公孫歸父會齊人伐莒。無傳。○秋，晉侯會狄于欒

函

晉侯往會之，故以狄為會主。欒，函狄地。○欒才，端反。函音咸。

○冬，十月，楚人殺陳夏徵

舒

不言楚子而稱人討，賊辭也。

丁亥，楚子入陳

楚子先殺徵舒而欲縣陳，後得申叔時諫，乃復封陳，不有其地。

故書入在殺微舒之後。○胡傳先書殺後書入者，與楚子之能討賊故先之也。納公孫寧儀行父于陳。二子淫昏亂人也。君弑之後，能外託楚以求報君之讐，內結強援於國，故楚莊得平步而討陳，除弑君之賊於時。陳成公播蕩於晉，定亡君之嗣。靈公成喪，賊討圍復功，足以補過。故君子善楚復之。○胡傳此二臣者，從君於昏，宣淫於朝，誅殺諫臣，使其君見弑，蓋致亂之臣也。肆諸市朝，與衆同弃，然後快於人心。今乃詭辭奔楚，託於討賊復讐，以自脫其罪，而楚莊不能察其反覆，又使陳人用之，是猶人有飲毒而死者，幸而復生，又強以毒飲之，可乎？故聖人外此二人于陳，而特書曰：納納者，不受而強納之者也。

傳十一年春，楚子伐鄭，及櫟。子良曰：晉楚不務德而兵爭，與其來者可也。晉楚無信，我焉得有信？乃從楚。夏，楚盟于辰陵，陳鄭服也。傳言楚與晉狎，主盟。

○楚左尹子重侵宋

子重，公子嬰齊莊王弟。

王待諸郟

郟，楚地。○鄭音延。○當在開封府。

項城

令尹蔦艾獵城沂

艾獵孫叔敖也沂楚邑○當在河南汝寧府真陽縣境

使封人慮

事

封人其時主築城者慮事無慮計功○廣雅云無慮都凡也孔疏慮事者謀慮城築之事無則慮之訖則計功也史書多有無慮之語皆謂謀

度前

以授司徒

司徒掌役

量功命日

命作日數

分財用

財用築作具

平板榦

榦榦也○孔疏釋詁云榦榦榦也舍人曰榦正也築牆所立兩木也榦所以當牆兩邊榦上者也彼榦為榦故謂榦為榦謂牆之兩頭立木也板在兩旁

即榦上者即彼文榦也平板榦者等其高下使城齊也

稱畚築

量輕重畚盛土器○畚音本○築者築土之杵盛音成

程土物

為作程限○為去聲孔疏稱畚築者量其輕重均負土與築者之力也程土物謂鍤鑿畚舉之屬為作程限備豫也

議遠邇

略基趾

趾城足略行也○行去聲

具餼糧

餼乾食也

度有司

謀監主○度待各反監平聲

事三

旬而成

十日為旬

不愆于素

不過素所慮之期也傳言叔敖之能使民

○晉卻成子求成于眾狄眾狄疾赤狄之役遂服

于晉

赤狄潞氏最強故服役衆狄

秋會于欒函衆狄服也是行也諸

大夫欲召狄卻成子曰吾聞之非德莫如勤非勤

何以求人能勤有繼其從之也

勤則功繼之

詩曰文王既

勤止

詩頌文王勤以創業

文王猶勤况寡德乎

○冬楚子爲陳夏氏亂故伐陳

十年夏徵舒弑君

謂陳人無

動將討於少西氏

少西徵舒之祺子夏之名

遂入陳殺夏徵舒轅諸

栗門

轅車裂也栗門陳城門○轅音患

因縣陳

滅陳以爲楚縣

陳侯在晉

靈公于成公午

申

叔時使於齊反復命而退王使讓之曰夏徵舒爲

不道弑其君寡人以諸侯討而戮之諸侯縣公皆

慶寡人

楚縣大夫皆僭稱公

女獨不慶寡人何故對曰猶可辭

乎

○言尚可有辭以自解乎

王曰可哉曰夏徵舒弑其君其罪大矣

討而戮之君之義也抑人亦有言曰牽牛以蹊人

之田

抑辭也蹊徑也○蹊音兮

而奪之牛牽牛以蹊者信有罪矣而

奪之牛罰已重矣諸侯之從也曰討有罪也今縣

陳貪其富也以討召諸侯而以貪歸之無乃不可

乎王曰善哉吾未之聞也反之可乎對曰可哉吾

儕小人所謂取諸其懷而與之也

叔時謙言小人意淺謂譬如取人物於懷而還

之為愈於不還

乃復封陳鄉取一人焉以歸謂之夏州

州屬屬示討夏

氏所獲也。○史記楚考烈王元年秦取夏州即此地。理通釋云大江中州也今在湖廣武昌府江夏縣。

故書曰楚子入陳

納公孫寧儀行父于陳書有禮也

沒其縣陳本意全以討亂存國為文善其得禮

○啖氏助曰若以納亂臣為有禮孰為非禮

○厲之役鄭伯逃歸

蓋在六年

自是楚未得志焉鄭既受

盟于辰陵又徵事于晉

為明年楚圍鄭傳十年鄭及楚平既無其事辰陵盟後鄭徵事晉又無端跡傳

皆特終以明經也自厲之役鄭南北兩屬故未得志九年楚子伐鄭不以黑壤與伐遠稱厲之役者志恨在厲後此皆傳上下相包通之義也○徵古堯反

春秋左傳杜注卷第十

春秋左傳杜注卷第十一

華亭姚培謙學

宣公

經十有二年春葬陳靈公

無傳賊討國復二月十一月然後得葬

○楚子圍

鄭

前年盟辰陵而
又徵事晉故

夏六月乙卯晉荀林父帥師及楚子

戰于邲晉師敗績

晉上軍成陳故書戰邲鄭地○邲音弼
○今河南開封府鄭州東六里有邲城

○秋

七月○冬十有二月戊寅楚子滅蕭

蕭宋附庸國十二月
無戊寅戊寅十一月

九日○孔疏此年楚子滅蕭定十一年宋公
之弟辰入于蕭以叛則此後復為宋邑也

○晉人宋人衛人曹

人同盟于清邱

晉衛背盟故大夫稱人宋華椒承羣偽之言以誤其
國宋雖有守信之善而枘楯不免譏清邱衛地今在

濮陽縣東南。唐置清邱驛。在今直隸大名府開州東南七十里長樂里。○宋師伐陳衛人救陳清

邱之盟

十二年春楚子圍鄭旬有七日鄭人卜行成不

吉卜臨于大宮臨哭也大宮鄭祖廟且巷出車吉出車於巷示將見遷

不得安居國人皆哭釋名云城上俾者皆哭俾音皮僻善計反倪音詣。孔疏俾

視者看視之名釋名云城上垣曰俾於其孔中俾倪非常

楚子退師鄭人脩城進復圍之

三月克之哀其窮哭故為退師而猶入自皇門至于逵路九軌

遠鄭伯肉袒牽羊以逆肉袒牽羊示服為臣僕曰孤不天不為天所祐不能事君使君懷怒以及敝邑孤之罪也敢不唯命

是聽其俘諸江南以實海濱亦唯命其翦以賜諸

侯使臣妾之亦唯命

翦削也

若惠顧前好

楚鄭世有盟誓之好

徼福

於厲宣桓武不泯其社稷

周厲王宣王鄭之所自出也鄭桓公武公始封之賢君也願楚要福于此

四君使社稷不滅浪猶滅也

使改事君夷於九縣

楚滅九國以為縣願得比之

君之惠

也孤之願也非所敢望也敢布腹心君實圖之左

右曰不可許也得國無赦王曰其君能下人必能

信用其民矣庸可幾乎退三十里而許之平

退一舍以禮鄭

○幾潘尫入盟子良出質

潘尫楚大夫子良鄭伯弟尫烏黃反質音致

夏六月晉

師救鄭荀林父將中軍

代卻

先穀佐之

穰季代林父○孔疏服虔云食采於穰

士會將上軍

河曲之役卻缺將上軍宣八年代趙盾為政將中軍士會代將上軍

卻克佐之

卻缺之子代史

趙朔將下軍

代樂盾

欒書佐之

樂盾之子代趙朔

趙括趙嬰齊

為中軍大夫

括嬰齊皆趙盾異母弟

鞏朔韓穿為上軍大夫荀首

趙同為下軍大夫

荀首林父弟趙同趙嬰兒

韓厥為司馬

韓萬之孫

及河間

鄭既及楚平桓子欲還曰無及於鄭而勦民焉用

之

桓子林父勦勞也勦子小反

楚歸而動不後

動兵伐鄭

隨武子曰善

武子士會

會

聞用師觀釁而動

釁罪也孔疏釁是間隙之名今人謂瓦裂龜裂皆為釁既有間隙故得為罪也

德刑

政事典禮不易不可敵也不為是征

言征伐為有罪不為有禮為去聲

楚軍討鄭怒其貳而哀其卑叛而伐之服而舍之

德刑成矣。伐叛刑也。柔服德也。二者立矣。昔歲入

陳

討敵舒

今茲入鄭。民不罷勞。君無怨讟。

讟謗也。罷音皮。讟音讀。

政有

經矣。

經常也。

荆尸而舉。

荆楚也。尸陳也。楚武王始更為此。陳法遂以為名。此陳直覲反。

商農工賈

不敗其業而卒輯睦。

步曰卒。車曰乘。賈音古。

事不奸矣。

奸犯也。奸音干。

為敖為宰。擇楚國之令典。

宰令尹為敖。孫叔敖。

軍行右轅左追

尊

在車之右者挾轅為戰備。在左者追求草蓐為宿備。傳曰。令尹南轅又曰。改乘轅楚陳以轅為主。尊音辱。孔疏。司馬法。兵車一乘有甲士三人。步卒七十二人。甲士在車不共卒役。所言左右者。分步卒為左右也。兵車一轅。服馬夾之。而言挾轅者。步卒被分在右者。當軍行之時。又分之使在兩廂。

挾轅以為戰備。楚陳以轅為主。故以轅表車。正是挾車嚴兵以備不虞也。其

應在左者。使之追求草蓐。今離道求草不近兵車也。蓐謂卧上之草。故云為

宿備也。此是在道時。然故云軍行右轅左追尊。至于對陳之時。則各在車之左右。故豫定左右之分。在道分使之耳。

前茅慮無

如今軍行前有斥候，踞伏皆持以絳及白為幟，見騎賊舉絳，見步賊舉白。幟備慮有無也。茅明也。或曰：時楚以茅為旌識。踞徒臘反，識音志。斥候，踞伏者，今人遠在軍前，斥度候望，慮有伏兵，使踞行之也。

中權後勁

中軍制謀後以精兵為殿

百官象物而

動軍政不戒而備

物猶類也戒較令

能用典矣。其君之舉也。

內姓選於親，外姓選於舊。

言親疎並用

舉不失德，賞不失

勞，老有加惠。

賜老則不計勞

旅有施舍。

旅客來者施之以惠舍不勞役

君子小人

物有服章。

別也

貴有常尊，賤有等威。

威儀有等差

禮不逆矣。

德立刑行，政成事時，典從禮順。若之何敵之，見可

而進，知難而退，軍之善政也。兼弱攻昧，武之善經

也。

昧昏亂也

子姑整軍而經武乎。

姑且也

猶有弱而昧者，何

必楚仲虺有言曰取亂侮亡兼弱也

仲虺湯左相詩之祖奚仲之後

洵

曰於鑠王師遵養時晦

洵詩頌篇名鑠美也言美武王能遵天之道須暗昧者惡積而後取之。洵音

酌於音烏鑠舒若反

耆昧也

耆致也致討於昧。耆音旨

武曰無競惟烈

武詩頌篇名烈業也言武

王兼弱取昧故成無疆之業

撫弱耆昧以務烈所可也

言當務從武王之功業撫而取之。孔疏

上言兼弱此云撫弱言其撫養而取之未必皆攻伐以求之也

臧子曰不可

臧子先殺

晉所以霸師

武臣力也今失諸侯不可謂力有敵而不從不可

謂武由我失霸不如死且成師以出聞敵彊而退

非夫也

非文夫

命爲軍帥而卒以非夫唯羣子能我弗

爲也以中軍佐濟

佐臧子所帥也濟渡河

知莊子曰此師殆哉

莊子

音智 周易有之在師三三三坎下坤之臨三三三兌下坤上臨師初六變而之臨

曰師出以律否臧凶此師卦初六爻辭律法執事順成為

臧逆為否今彘子逆命不順成故應不臧之凶眾散為弱坎為眾今變為兌兌柔弱川壅為

澤坎為川今變為兌兌為澤是川見壅有律以如已也如從也法行則人從法法敗則法從人坎為法象今為眾

則散為川則壅是失法之用從人之象故曰律否臧且律竭也竭敗也坎變為兌是法敗孔疏竭是水

酒之名坎為水為法水之竭似法之敗故云竭敗也盈而以竭天且不整所以凶也水遇天塞

不得整流則竭涸也○天於表反不行之謂臨水變為澤乃成臨卦澤不行之物有帥而不

從臨孰甚焉此之謂矣譬彘子之違命亦不可行果遇必敗遇敵彘子

尸之主此禍雖免而歸必有天咎為明年晉殺先穀韓獻子謂桓

子獻子

韓厥曰彘子以偏師陷子罪大矣子爲元帥師不

用命誰之罪也失屬亡師爲罪已重不如進也今鄭

故曰失屬彘子以偏師陷故曰亡師

事之不捷惡有所分

捷成也

與其專罪六

人同之不猶愈乎

三軍皆敗則六卿同罪不得獨責元帥

師遂濟楚子北師

次於邲

邲鄭北地

沈尹將中軍

沈或作寢寢縣也今汝陰固始縣。沈音審今固始縣屬河南汝寧府

子

重將左子反將右將飲馬於河而歸

子反公子側飲去聲

聞晉

師既濟王欲還嬖人伍參欲戰

參伍奢之祖父參七南反

令尹孫

叔敖弗欲曰昔歲入陳今茲入鄭不無事矣戰而

不捷參之肉其足食乎參曰若事之捷孫叔爲無

謀矣。不捷，參之肉將。在晉軍，可得食乎？令尹南轅

反旆。

回車南鄉旆軍前大旗

伍參言於王曰：「晉之從政者新，未能

行令，其佐先穀剛愎不仁，未肯用命。

愎很也

其三帥者，

專行不獲。

欲專其所行而不得

聽而無上，衆誰適從？

聽或子趙同趙括則為軍無上

今衆不知所從

此行也。晉師必敗，且君而逃，臣若社稷

何？王病之，告令尹改乘轅而北之，次于管以待之。

晉師在敖鄆之間。

滎陽京縣東北有管城，敖鄆二山在滎陽縣西北。故管城在鄆州北二里，滎陽今開封府滎

澤縣縣西北有敖山，乘去聲，敖五刀反，鄙苦交反。

鄭皇戌使如晉師，曰：「鄭之從楚，社

稷之故也，未有貳心。楚師驟勝而驕，其師老矣，而

不設備子擊之鄭師爲承

承繼也。成雖律反使去聲。

楚師必敗哉

子曰敗楚服鄭於此在矣必許之樂武子曰

武子樂善也。

楚

自克庸以來

在文十六年。

其君無日不討國人而訓之

討治也。

于民生之不易禍至之無日戒懼之不可以怠

于白也。

易以

在軍無日不討軍實而申儆之

軍實軍器。

于勝之不可

保紂之百克而卒無後訓之以若敖蚡冒筭路藍

縷以啓山林

若敖蚡冒皆楚之先君筭路柴車藍縷蔽衣言此二君勤儉以啓土。蚡扶粉反。孔疏楚世家云熊罾卒子熊

儀立是為若敖若敖卒子霄敖立霄敖卒子熊昭立是為蚡冒蚡冒卒弟熊達立是為楚武王按杜注文十六年傳蚡冒楚武王父不從史記也筭路以

荆竹編車藍縷服虔云言其縷破藍藍然

箴之曰民生在勤勤則不匱不可謂

驕誠

先大夫子犯有言曰師直爲壯曲爲老我則

不德而徼怨于楚我曲楚直不可謂老

不德謂以力爭諸侯徼要也

其君之戎分爲二廣

君之親兵。廣古曠反。楚乘車名

廣有一卒卒偏

之兩

十五乘爲一廣司馬法百人爲卒二十五人爲兩車十五乘爲大偏今廣十五乘亦用舊偏法復以二十五人爲承副。邵氏寶曰楚人易古

偏法而爲廣廣有百人故曰一卒一卒之外又有餘卒二十五人爲承副其數如偏法之有兩也

右廣初駕數及日

中左則受之以至于昏內官序當其夜

內官近官序也。孔疏爲次

序以當其夜若令宿直遞持更也

以待不虞不可謂無備子良鄭之良

也師叔楚之崇也

師叔潘廌爲楚人所崇貴

師叔入盟子良在楚楚

鄭親矣來勸我戰我克則來不克遂往以我卜也

鄭不可從。趙括、趙同曰：「率師以來，唯敵是求，克敵

得屬，又何俟？必從彘子。」得屬，服鄭。知季曰：「原、屏，咎之徒也。」

知季，莊子也。原、趙同、屏、趙括，徒黨也。趙莊子曰：「欒伯善哉！」欒伯，

武子。實其言，必長晉國。實，猶充也。言欒書之身行能充此言，則當執晉國之政也。長，丁文反。行，去聲。楚

少宰如晉師，少宰，官名。曰：「寡君少遭閔凶，不能文也。」閔，憂也。聞二

先君之出入，此行也。二先君，楚成王、穆王。將鄭是訓定，豈敢求

罪于晉，二三子無淹久也。」淹，留也。隨季對曰：「昔平王命我

先君文侯曰：「與鄭夾輔周室，毋廢王命。今鄭不率

也。」率，遵也。寡君使羣臣問諸鄭，豈敢辱侯人？侯人，謂伺侯望敵者。敢拜

君命之辱。彘子以爲諂。使趙括從而更之。曰：行人

失辭。

言謀對

寡君使羣臣遷大國之迹於鄭。

遷徙也

曰：無辟

敵。羣臣無所逃命。楚子又使求成于晉。晉人許之。

盟有日矣。

有期日

楚許伯御，樂伯攝叔爲右，以致晉師。

單車挑戰。又示不欲崇和以疑晉之羣帥。挑，徒了反。孔疏：周禮環人掌

致師。鄭玄云：致，其必戰之志。則致師者，致已欲戰之意於敵人。故單車揚威

武以挑之。挑，彼晉師。故言以致晉師。許伯曰：吾聞致師者，御靡旌，摩壘而

還。

靡旌，驅疾也。摩，近也。

樂伯曰：吾聞致師者，左射以蔽

左車左也。蔽，矢之善者。

射。

音石。下同。蔽，音鄒。

代御執轡，御下兩馬，掉鞅而還。

兩飾也。掉，正也。示閒暇。掉，徒

弔反。鞅，於文反。孔疏：攝馬者，謂隨宜刷刮。攝叔曰：吾聞致師者，右入壘，折馘

折馘，斷耳。

執俘而還皆行其所聞而復晉人逐之左右角之

張兩角從旁夾攻之

樂伯左射馬而右射人角不能進矢一而

已麋興於前射麋麗龜

麗著也龜背之隆高當心者著宜略反

晉鮑癸當其

後使攝叔奉麋獻焉曰以歲之非時獻禽之未至

敢膳諸從者鮑癸止之曰其左善射其右有辭君

子也既免

止不復逐

晉魏錡求公族未得

錡魏驪子欲為公族大夫錡魚綺反

而

怒欲敗晉師請致師弗許請使許之遂往請戰而

還楚潘黨逐之及滎澤見六麋射一麋以顧獻曰

子有軍事獸人無乃不給於鮮敢獻於從者

滎澤在滎陽縣

東新殺為鮮見六得一言其不如楚。使去聲射音石。

叔黨命去之

叔黨潘黨潘廷之子

趙旃求卿

未得

旃趙旃子

且怒於失楚之致師者請挑戰弗許請召

盟許之與魏錡皆命而往卻獻子曰二憾往矣擊

弗備必敗彘子曰鄭人勸戰弗敢從也楚人求成

弗能好也師無成命多備何為士季曰備之善若

二子怒楚楚人乘我喪師無日矣

乘猶登也

不如備之楚

之無惡除備而盟何損於好若以惡來有備不敗

且雖諸侯相見軍衛不徹警也

徹去也

彘子不可

不肯

士

季使鞏朔韓穿帥七覆于敖前

帥將也。慮為決兵七處。覆扶又反。

故上

軍不敗趙嬰齊使其徒先具舟于河故敗而先濟

潘黨既逐魏錡

言魏錡見逐而退

趙旃夜至於楚軍

二人雖俱受命而行不相

隨趙旃在後至

席於軍門之外使其徒入之

布席坐亦無所畏也○孔疏使已從人入壘以

取俘

也楚子爲乘廣三十乘分爲左右右廣雞鳴而駕

日中而說

說舍也○乘去聲說舒銳反

左則受之日入而說許偃御

右廣養由基爲右彭名御左廣屈蕩爲右

楚王更迭載之故各

有御

乙卯王乘左廣以逐趙旃趙旃弃車而走林屈

蕩搏之得其甲裳

下曰裳○搏音搏

晉人懼二子之怒楚師

也使軫車逆之

軫車兵車名○軫徒溫反○軾車屯守之車

潘黨望其塵使騁而

告曰。晉師至矣。楚人亦懼王之入晉軍也。遂出陳。

孫叔曰。進之寧我薄人。無人薄我。詩云。元戎十乘。

以先啓行。先人也。元戎戎車在前也。詩小雅言王者軍行必有戎車十乘在前開道先人為備。陳去聲。薄迫也。

先人去聲下同軍志曰。先人有奪人之心。薄之也。奪敵戰心遂疾進。

師車馳卒奔。乘晉軍。桓子不知所為。鼓於軍中曰。

先濟者有賞。中軍下軍爭舟。舟中之指可掬也。兩手曰掬

晉師右移。上軍未動。言餘軍皆移去。惟上軍在。經所以書戰言猶有陳。孔疏晉之三軍。上軍在左。中軍在中。

下軍在右。言晉之中軍下軍敗走。在上軍之右者皆移。惟上軍未動。工尹齊將右拒卒以逐下軍。

工尹齊楚大夫。右拒陳名。拒音矩。下同。楚子使唐狡與蔡鳩居告唐惠侯。二子。楚大夫。

夫唐屬楚之小國義陽安昌縣東南有上唐鄉。今汝寧府確山縣古安昌地。

曰不穀不德而貪以遇

大敵不穀之罪也。然楚不克君之羞也。敢藉君靈

以濟楚師。

藉猶假借也。

使潘黨率游關四十乘。

游車補闕者。

從唐

侯以爲左拒以從上軍。駒伯曰待諸乎。

駒伯卻克隨上軍佐也。

季曰楚師方壯若萃於我吾師必盡。萃集也。不如收而

去之分謗生民不亦可乎。同奔為分謗不戰為生民。殿其卒而退不

敗。以其所將卒為君後殿。

王見右廣將從之乘屈蕩戶之曰君以

此始亦必以終。

戶止軍中易乘則恐軍人惑。顧氏炎武曰古人以守戶之人謂之戶者取其能止人也。漢書樊噲傳。

詔戶者無得入羣臣。王嘉傳坐戶殿門失關免唐書李紳傳擊大毬戶官道車馬不敢前皆此意也。

自是楚之乘廣

先左

以乘左得勝故。孔疏桓八年傳云楚人尚左君必左者謂置車尚左故君在左此言先左謂乘廣先左耳上文且云右廣初駕日中乃

授左廣則舊法先乘右廣今楚王偶然乘左車以逐趙旃因是而得戰勝以為宜乘左廣自是以後乘廣先左以乘左得勝故也。

晉人或

以廣隊不能進

廣兵車。隊直類反。孔疏此言晉人廣隊下云拔旃投衝軍行則旃在軍前不是車皆有旃也此蓋是晉

人在軍之前載旃之車

楚人碁之脫局

碁數也。局車上兵闌。碁其器反。局古焚反。孔疏局蓋橫木車前以約車上

之兵器慮其落也。隊坑則橫木有礙故不能進

少進馬還又碁之拔旃投衝乃出

還便旋不進旃大旃也。拔旃投衝上使不帆風差輕。帆凡劍反。

顧曰吾不如大國之數奔也

趙旃以其良馬二濟其兄與叔父以他馬反遇敵

不能去弃車而走林逢大夫與其二子乘

逢氏。數音朔逢音龐乘

去謂其二子無顧

不欲見

顧曰趙叟在後

叟老稱也。叟音叟

怒

之使下指木曰尸女於是授趙旃綏以免明日以

表尸之

表所指木取其尸

皆重獲在木下

兄弟累尸而死○重平聲

楚熊負羈

囚知罃知莊子以其族反之

負羈楚大夫知罃知莊子之子族家兵反還戰○罃於耕反

廚武子御

武子魏錡

下軍之士多從之

知莊子下軍大夫故

每射抽矢

敢納諸廚子之房

抽擢也敢好箭房箭舍

廚子怒曰非子之求而

蒲之愛

蒲楊柳可以為箭

董澤之蒲可勝既乎

董澤澤名河東闕縣東北有董池陂既

盡也○勝音升○董澤今屬山西平陽府

知季曰不以人子吾子其可得乎吾

不可以苟射故也射連尹襄老獲之遂載其尸射

公子穀臣囚之以二者還

穀臣楚王子○射音石

及昏楚師軍於

邲晉之餘師不能軍

不能成營屯

宵濟亦終夜有聲

言其兵衆將不

能用。顧氏炎武曰。

言其軍器無復都伍

丙辰楚重至於邲

重輜重也。孔疏輜重載物之車輜重載器物糧食常在

君後故乙卯日戰

丙辰始至於邲也

遂次于衡雍潘黨曰君盍築武軍

築軍

營以彰武功

○雍去聲

而收晉尸以爲京觀

積尸封土其上謂之京觀。觀去聲

臣聞克

敵必示子孫以無忘武功楚子曰非爾所知也夫

文止戈爲武

文

武王克商作頌曰載戢干戈載櫜

弓矢

戢藏也櫜韜也詩美武王能誅滅暴亂而息兵

我求懿德肆于時夏允王保

之

肆遠也夏大也言武王既息兵又能求美德故遠大而信王保天下

又作武其卒章曰耆定

爾功

武頌篇名耆致也言武王誅紂致定其功耆耆首旨

其三曰鋪時繹思我徂惟

求定

其三三篇鋪布也繹陳也時是也思辭也頌美武王能布政陳教使天下歸往求安定

其六曰綏萬

邦屢豐年

其六六篇綏安也屢數也言武王既安天下數致豐年此三六之數與今詩頌篇次不同蓋楚樂歌之次第

夫

武禁暴戢兵保大定功安民和衆豐財者也

此武七德故

使子孫無忘其章

著之篇章使子孫不忘

今我使二國暴骨暴

矣觀兵以威諸侯兵不戢矣暴而不戢安能保大

猶有晉在焉得定功所違民欲猶多民何安焉無

德而強爭諸侯何以和衆利人之幾

幾危也○暴骨滿卜反強其文反

而安人之亂以爲己榮何以豐財

兵動則年荒

武有七德

我無一焉何以示子孫其爲先君官告成事而已

祀先君告戰勝

武非吾功也古者明王伐不敬取其鯨鯢而

封之以爲大戮於是乎有京觀以懲淫慝

鯨鯢大魚名以喻不

義之人吞食小國。鯨其京反鯢五兮反

今罪無所

晉罪無所犯也

而民皆盡忠以死

君命又何以爲京觀乎祀于河作先君宮告成事

而還

傳言楚莊有禮所以遂興

是役也鄭石制實入楚師將以分

鄭而立公子魚臣辛未鄭殺僕叔及子服

僕叔魚臣也子服石制也

○孔疏入楚師言入此楚師於鄭國服虔云使楚師來入鄭是也將以分鄭國以半與楚取半立魚臣已欲擅其寵也

君子曰史佚

所謂毋怙亂者謂是類也

言恃人之亂以要利

詩曰亂離瘼矣

爰其適歸

詩小雅離憂也瘼病也爰於也言禍亂憂病於何所歸乎歎之○瘼音莫

歸於怙亂者

也夫

恃亂則禍歸之

鄭伯許男如楚

為十四年晉伐鄭傳

秋晉師歸桓子

請死晉侯欲許之士貞子諫曰不可

貞子士渥濁

城濮之

役晉師三日穀

在僖二十八年

文公猶有憂色左右曰有喜

而憂如有憂而喜乎

言憂喜失時

公曰得臣猶在憂未歇

也

歇盡也

困獸猶鬪况國相乎及楚殺子玉

子玉得臣

公喜而

後可知也

喜見於顏色

曰莫余毒也已是晉再克而楚再

敗也楚是以再世不競

成王至穆王

今天或者大警晉也

警戒也

而又殺林父以重楚勝其無乃久不競乎林父

之事君也進思盡忠退思補過社稷之衛也若之

何殺之夫其敗也如日月之食焉何損於明晉侯

使復其位

言晉景所以不失霸

○冬楚子伐蕭宋華椒以蔡人救蕭蕭人囚熊相
宜僚及公子丙王曰勿殺吾退蕭人殺之王怒遂
圍蕭蕭潰申公巫臣曰師人多寒王巡三軍拊而
勉之拊撫慰勉之三軍之士皆如挾纊續綿也言說以遂傳

於蕭還無社與司馬卯言號申叔展

還無社蕭大夫司馬卯申叔展皆楚

大夫也無社素識叔展故因卯呼之傳音附還音旋號音聲下同

叔展曰有麥麴乎曰無有

山鞠窮乎曰無

麥麴鞠窮所以禦濕欲使無社泥水中無社不解故曰無軍中不敢正言於謬語○麴去六反鞠起

弓反麥麴作酒之物
芎藭藥艸之名

河魚腹疾奈何

叔展言無禦濕藥將病

曰目於智井

而拯之

無社意解欲入井故使叔展視虛廢井而求拯已出溺為拯。智烏丸反廢井也。字林云井無水也。

若為茅

經哭井則已

叔展又教結茅以表井須哭乃應以為信。經直結反已音記。孔疏無社既解其意令展視井拯已但廢井

必多不可知處故教無社令結茅為經置于井上又恐無社錯應他人更教之云若號哭向井則是我之己身已展叔自謂也

明日蕭

潰申叔視其井則茅經存焉號而出之

號哭也傳言蕭人無守心

○晉原穀宋華椒衛孔達曹人同盟于清邱

原穀先穀孔

疏按傳先軫或稱原軫此蓋先軫之後也原其上世所食於時趙氏有原同蓋分原邑而共食之也

曰恤病討貳於

是卿不書不實其言也

宋伐陳衛救之不討貳也楚伐宋晉不救不恤病也。劉氏敞曰春秋之世不

實其言者衆矣奚獨此耶

宋為盟故伐陳

陳貳于楚故

衛人救之孔達曰

先君有約言焉。若大國討我，則死之。

衛成公與陳共公，有舊好，故孔達欲

背盟救陳而以死謝晉。為十四年衛殺孔達傳。

經十有三年春，齊師伐莒。○夏，楚子伐宋。○秋，冬

無傳為災故書。

○冬，晉殺其大夫先穀。

書名以罪討。

傳十三年春，齊師伐莒。莒恃晉而不事齊，故也。

○夏，楚子伐宋，以其救蕭也。

救蕭在前年。

君子曰：清邱之

盟，唯宋可以免焉。

宋討陳之貳，今宋見伐，晉衛不顧盟以恤宋，而經同貶宋大夫，傳嫌華榭之罪累及其國。

故曰唯宋可以免。

○秋，赤狄伐晉，及清，先穀召之也。

赤狄不得志，故名狄，為變清一名清原。○今

山西平陽府稷山縣西北二十里有清原城

冬晉人討邲之敗與清之師歸罪

於先穀而殺之盡滅其族君子曰惡之來也已則

取之其先穀之謂乎

盡滅其族為誅已其故曰惡之來也

○清邱之盟晉以衛之救陳也討焉

尋清邱之盟以責衛

使人

弗去曰罪無所歸將加而師孔達曰苟利社稷請

以我說

欲自殺以說晉使去聲

罪我之由我則為政而亢大國之

討將以誰任

亢禦也謂禦宋討陳也大國指晉宋為晉討也

我則死之

為明年殺孔達傳

經十有四年春衛殺其大夫孔達

書名背盟于大國罪之家氏鉉翁曰據傳孔

達自以其身紆國患然達為政而背清邱之盟救陳諂楚謂之無罪不可也

○夏五月壬申曹伯壽

卒

無傳文十四年盟新城

○晉侯伐鄭○秋九月楚子圍宋○葬

曹文公

無傳

○冬公孫歸父會齊侯于穀

傳十四年春孔達縊而死衛人以說于晉而免

殺以

告故免于代

遂告于諸侯曰寡君有不令之臣達構我敝

邑于大國既伏其罪矣敢告

諸殺大夫亦皆告

衛人以爲成

勞復室其子

以有平國之功故以女妻之

使復其位

襲父祿位

○夏晉侯伐鄭爲邲故也

晉敗於邲鄭遂屬楚

告於諸侯蒐焉

而還

蒐簡閱車馬

中行桓子之謀也曰示之以整使謀而

來鄭人懼使子張代子良于楚

十二年子良質於楚子張穆公孫

鄭伯

如楚謀晉故也。鄭以子良爲有禮，故召之。有讓國之禮

○楚子使申舟聘于齊，曰：無假道于宋。申舟，無畏。亦使公

子馮聘于晉，不假道于鄭。申舟以孟諸之役，惡宋

文十年楚子田孟諸，無畏扶宋公僕。○馮皮冰反，惡去聲。曰：鄭昭，宋龔。昭明也，龔闇也。晉使不害，我

則必死。王曰：殺女，我伐之。見犀而行。犀，申舟子，以子託王，示必死。及

宋，宋人止之。華元曰：過我而不假道，鄙我也。鄙我

亡也。以我比其邊鄙，是與亡國同。殺其使者，必伐我。伐我亦亡也。亡

一也。乃殺之。楚子聞之，投袂而起。投，振也。袂，袖也。屢及於室

皇。室，皇寢門闕。○室，直結反。劍及於寢門之外，車及於蒲胥之市。○部

曰寢門之外遠于寢皇蒲芻之市遠于寢門之外僂人進僂追而及于室
皇前此未及僂也僂人進僂追而及于寢門之外前此未及僂也車人駕
車追而及于蒲芻之市前此未及車也蓋興師之速如此

秋九月楚子圍宋

○冬公孫歸父會齊侯于穀見晏桓子與之言魯

樂桓子告高宣子

桓子晏嬰父宣子高固
孔疏樂謂樂居高位也

曰子家其亡

乎懷於魯矣

子家歸父
宗懷恩也

懷必貪貪必謀人謀人人亦

謀已一國謀之何以不亡

為十八年歸
父奔齊傳

○孟獻子言於公曰臣聞小國之免於大國也聘

而獻物

物玉帛
皮幣也

於是有庭實旅百

主人亦設饗豆百
品實於庭以答賓朝而

而

獻功

獻其治國若征
伐之功於叔伯

於是有容貌采章嘉淑而有加貨

容貌威儀容顏也采章車服文章也嘉淑令辭稱讚也加貨命有幣帛也言往於則來報亦備

謀其不免也誅

而薦賄則無及也

薦進也見責而往則不足解罪

今楚在宋君其圖之

公說

為明年歸父會楚子傳

經十有五年春公孫歸父會楚子于宋○夏五月

宋人及楚人平

平者總言二國和故不書其人

六月癸卯晉師滅赤狄

潞氏以潞子嬰兒歸

潞赤狄之別種潞氏國故稱氏子爵也林父稱師從告○今山西潞安府潞城縣東

北四十里有古潞城

○秦人伐晉

無傳

○王札子殺召伯毛伯

稱殺者

相殺之辭兩下相殺則殺者有罪王札子王子札也蓋經文倒札字

○秋螽

無傳

○仲孫蔑會齊

高固于無婁

無傳無婁杞邑○公羊作牟婁

○初稅畝

公田之法十取其一今又履其餘畝復十收其

一故哀公曰二吾猶不足遂以為常故曰初

○冬蠓生

冬蠓子以冬生遇寒而死故不成蠹○蠓悅全反

○饑風雨不和

五稼不豐

傳十五年春公孫歸父會楚子于宋

終前年傳○胡傳楚子不假道于宋

以啟虜端而圍之陵茂諸侯甚矣諸侯縱不能存先代之後嚴兵固圍以為聲援猶之可也乃以周公之裔十乘之國謀其不免至于薦賄不亦鄙乎

○宋人使樂嬰齊告急于晉晉侯欲救之伯宗曰

不可

伯宗晉大夫

古人有言曰雖鞭之長不及馬腹

言非所擊天

方授楚未可與爭雖晉之彊能違天乎諺曰高下

在心

度時制前

川澤納汙

受汙濁

山藪藏疾

山之有林藪毒害者居之

瑾瑜匿瑕

匿亦藏也雖美玉之質亦或居藏瑕穢○瑾其靳反瑜羊朱反

國君含垢

忍垢恥○垢或作詬

天之道也

晉侯恥不救宋故伯宗為說小惡不損大德之喻

君其待之

待楚

乃止使解揚如宋

使無降楚曰晉師悉起將至矣鄭人囚而獻諸楚

楚子厚賂之使反其言

反言晉不救

不許三而許之登

諸樓車使呼宋人而告之

樓車車上望檣

遂致其君命楚子

將殺之使與之言曰爾既許不穀而反之何故非

我無信女則弃之速即爾刑對曰臣聞之君能制

命為義臣能承命為信信載義而行之為利謀不

失利以衛社稷民之主也義無二信

欲為義者不行兩信

信無

二命

欲行信者不受二命

君之賂臣不知命也受命以出有死

無實實廢隊也。實于敏反。又可賂乎。臣之許君以成命也。成其君命。死

而成命。臣之祿也。寡君有信臣。已不廢命。下臣獲考也。考成也。死

又何求。楚子舍之以歸。夏五月。楚師將去宋。在宋積九月不

能服宋故。申犀稽首於王之馬前。曰。毋畏知死而不敢廢

王命。王弃言焉。王不能答。未服宋而去。故曰弃言。申叔時僕也。僕御也。曰。

築室反耕者。宋必聽命。從之。築室於宋。分兵歸田。示無去志。王從其言。宋人懼。

使華元夜入楚師。登子反之牀。起之。曰。寡君使元

以病告。兵法因其鄉人而用之。必先知其守。將左右謁者門者。舍人之姓名。因而利道之。華元蓋用此術。得以自通。曰。敝

邑易子而食。析骸以爨。爨。炊也。○骸。尸也。皆反。爨。七亂反。雖然。城下之盟。

有以國斃不能從也

寧以國斃不從城下盟

去我三十里唯命是

聽子反懼與之盟而告王退三十里宋及楚平華

元爲質盟曰我無爾詐爾無我虞

楚不詐宋宋不備楚盟不書不告

○潞子嬰兒之夫人晉景公之姊也鄆舒爲政而

殺之又傷潞子之目

鄆舒潞相

晉侯將伐之諸大夫皆曰

不可鄆舒有三僇才

僇絕異也言有才藝勝人者三僇音俊

不如待後之人

伯宗曰必伐之狄有五罪僇才雖多何補焉不祀

一也者酒二也弃仲章而奪黎氏地三也

仲章潞賢人也黎氏黎侯

國上黨壺關縣有黎亭○者言與嗜同今潞安府長治縣西三十里有黎侯亭

虐我伯姬四也傷其君

目五也。怙其雋才，而不以茂德。茲益罪也。後之人

或者將敬奉德義，以事神人，而申固其命。審其政今若之

何待之，不討有罪。曰：將待後，後有辭而討焉。毋乃

不可乎？夫恃才與眾，亡之道也。商紂由之，故滅也。由用也

天反時為災。寒暑易節地反物為妖。災物失性民反德為亂。亂

則妖災生。故文反正為乏。文字之孔疏人反德則妖災生。妖災生則國亡滅。是五絕之道也。按說文

之篆作五盡在狄矣。晉侯從之。六月癸卯，晉荀林父敗赤

狄于曲梁。辛亥，滅潞。曲梁今廣平曲梁縣也。書癸卯從赴。曲梁故城在今直隸廣平府永年縣東北。

鄆舒奔衛。衛人歸諸晉。晉人殺之。胡傳：夫伐國之要討其罪人斯止矣。為晉討

者執鄆舒鞮諸市立黎侯安定潞子改紀其政而返則諸
狄服疆域安矣今乃利狄之土滅潞氏以其君歸何義乎

○王孫蘇與召氏毛氏爭政三人皆王卿士使王子捷殺召

戴公及毛伯衛王子捷即王札子卒立召襄襄召戴公之子

○秋七月秦桓公伐晉次于輔氏晉地○今陝西西安府朝邑縣西北十三里有

輔氏城壬午晉侯治兵于稷以畧狄土畧取也稷晉地河東聞喜縣西有稷山壬午七月二十九日晉時新破狄土地未安權秦師之弱故別遣魏顓距秦而東行定狄地○今山西平陽府稷山縣南五十里有稷神山山下有稷亭即晉侯

治兵處立黎侯而還狄奪其地故晉復立之及雒魏顓敗秦師于輔氏

晉侯還及雒也雒晉地○顓苦果反獲杜回秦之力人也初魏武子有嬖

妾無子武子疾命顓曰必嫁是武子魏嬖顓之父疾病則曰

必嫁是武子魏嬖顓之父疾病則曰

必以爲殉。及卒，顛嫁之。曰：疾病則亂，吾從其治也。

及輔氏之役，顛見老人，結草以亢杜回。亢，禦也。杜回躓

而顛，故獲之。夜夢之曰：余而所嫁婦人之父也。而，女

也。躓，陸吏反。爾用先人之治命，余是以報。傳舉此以示教。

○晉侯賞桓子狄臣千室，亦賞士伯以瓜衍之

縣。士伯，士貞子。今山西汾州府孝義縣北十里有瓜城。曰：吾獲狄土，子之功也。微

子，吾喪伯氏矣。伯桓子字，邲之敗，晉侯將殺林父，士伯諫而止。羊舌職說是賞也。

職，叔向父。說音悅。曰：周書所謂庸庸，祗祗者，謂此物也。夫

康誥庸用也。祗，敬也。物事也。士伯庸中，行伯言中行君信之亦

言文王能用可用敬可敬。

伯可用。

庸士伯此之謂明德矣。文王所以造周不是過也。

故詩曰：陳錫載周，能施也。

錫賜也。詩大雅言文王布陳大利以賜天下，故能載行周道。福流子孫。

施去聲。率是道也，其何不濟。

○晉侯使趙同獻狄俘于周，不敬。劉康公曰：不及

十年，原叔必有大咎。

劉康公，王季子也。原叔，趙同也。

天奪之魄矣。

心之精，與是謂

魂魄為成八年，晉殺趙同傳。

○初，稅畝，非禮也。穀出，不過藉。

周法，民耕百畝，公田十畝，借民力而治之，稅不過此。

以豐財也。

○冬，螽生，饑幸之也。

螽，未為災而書之者，幸其冬生，不為物害。時歲雖饑，猶喜而書之。○孫氏覺曰：螽者，

蠡之子春秋之秋夏時之夏也春秋之冬夏時之秋也冬蠡為災于夏而蠡生于秋一歲而再為災故謹志之爾左氏公羊皆曰幸之以蠡生于冬物皆已收而不為災也按秋乃五穀大成之時安得曰不為災乎但生而不為災亦何用書之

經十有六年春王正月晉人滅赤狄甲氏及留吁

甲氏留吁赤狄別種晉既滅潞氏今又并盡其餘黨士會稱人從告○水經注云絳水經屯留故城即故留吁國今山西潞安府屯留縣南十三里純留故城是也○夏成周宣榭火傳例曰人火之也成周洛陽宣榭講武屋別在洛陽者爾雅曰無室曰榭謂屋歇前○范

氏甯曰宣榭宣王之榭孔疏爾雅釋宮云無室曰榭又云闕謂之臺有木者謂之榭李巡曰臺積土為之所以觀望臺上有屋謂之榭則榭是臺上之屋居臺而臨觀講武故無室而歇前歇前者無壁也如今廳是也○秋鄭伯姬來歸○冬大有

年無傳

傳十六年春晉士會帥師滅赤狄甲氏及留吁鐸

辰

鐸辰不書留吁之屬
○當在潞安府境

三月獻狄俘

獻子
王也

晉侯請于王戊申

以黻冕命士會將中軍且爲大傅

代林父將中軍且加以
大傅之官黻冕命卿之

服大傅孤卿

○孔疏禮命臣者皆賜之以服使服而受命傳言以黻冕者黻

冕是命孤卿之服故以之命士會也天子大傅三公之官諸侯大傅孤卿之

官周禮典命云公之孤四命鄭衆云九命上公得置孤卿一人春秋時

晉爲霸主侯亦置孤卿文六年有大傅陽子大師賈佗則晉嘗置二孤

於是晉國之盜逃奔于秦羊舌職曰吾聞之禹稱善

人

稱舉
也

不善人遠此之謂也夫詩曰戰戰兢兢如臨

深淵如履薄冰善人在上也

言善人居位則無
不戒懼○遠去聲

善人在上

則國無幸民諺曰民之多幸國之不幸也是無善

人之謂也

○夏成周宣榭火人火之也。凡火人火曰火。天火曰災。

○秋鄭伯姬來歸出也。

○爲毛召之難故王室復亂。毛召難在前年王孫蘇奔晉晉

人復之。

毛召之當欲討蘇氏故出奔

○冬晉侯使士會平王室定王享之原襄公相禮。

原襄公周大夫相佐也殺烝。烝升也升殺于俎。孔疏鄭詩箋云凡非殺而食之曰殺則殺是可食之名。切肉爲殺乃升于俎故謂之殺烝。

武子私問其故。享當體薦而殺烝故性王聞之召武子曰。

季氏而弗聞乎。王享有體薦。享則半解其體而薦之所以示其儉宴有折俎。

體解節折升之于俎物皆可食所以示慈惠也

公當享卿當宴王室之禮也

公謂諸侯。孔

疏言諸侯親來則為之設享又設宴也享用體薦燕用折俎若使卿來雖為設享仍用公之燕法亦用折俎是王室待賓之禮也

武子歸

而講求典禮以修晉國之法

傳言典禮之廢久

經十有七年春王正月庚子許男錫我卒

無傳再與文同盟

○丁未蔡侯申卒

無傳未同盟而赴以名丁未二月四日

○夏葬許昭公

無傳

○葬蔡文公

無傳

○六月癸卯日有食之

無傳不書朔官失之

○

己未公會晉侯衛侯曹伯邾子同盟于斷道

斷道晉地。斷

音短。今山西沁州東有斷梁城

秋公至自會

無傳

○冬十有一月壬午公

弟叔肸卒

傳例曰公母弟。肸文公子惠伯也。肸之子公孫嬰齊嬰齊之子叔老老之子叔弓弓之子叔鞮鞮之子叔詣詣之子

之曾孫

叔暹

傳十七年春晉侯使郤克徵會于齊徵召也欲為斷道會齊頃

公惟婦人使觀之郤子登婦人笑於房跛而登階故笑之頃音傾跋

波可反獻子怒出而誓曰所不此報無能涉河不復渡河而東獻

子先歸使欒京廬待命于齊曰不得齊事無復命

矣欒京廬郤克之介使得齊之罪乃復命郤子至請伐齊晉侯弗許請以其

私屬又弗許私屬家衆也為成二年戰于鞌傳○鞌音安齊侯使高固晏弱蔡

朝南郭偃會吳子桓子及斂孟高固逃歸聞郤克怒故夏會于斷

道討貳也盟于卷楚卷楚而斷道○卷音權辭齊人晉人執晏弱

于野王執蔡朝于原執南郭偃于温

執三子不書非御野王縣今屬河內今

為河南懷慶府治

苗賁皇使見晏桓子

賁皇楚鬬榘之子楚滅鬬氏而奔晉食邑于苗地晏弱時在野

王故因使而見之。賁扶云反使去聲

歸言於晉侯曰夫晏子何罪昔者諸

侯事吾先君皆如不逮

言汲汲也

舉言羣臣不信諸侯皆

有貳志

衆亦皆也

齊君恐不得禮

不見禮待

故不出而使四子來

左右或沮之

沮止也

曰君不出必執吾使故高子及斂

孟而逃夫三子者曰若絕君好寧歸死焉為是犯

難而來吾若善逆彼

彼齊三人

以懷來者吾又執之以信

齊沮吾不既過矣乎過而不改而又久之以成其

悔何利之有焉

○言三子見執齊人必有悔遣使之心今又久之必將背晉

使反者得辭

反者高固謂得不當來之辭

而害來者以懼諸侯將焉用之晉人緩

之逸

緩不拘執使得逃去也傳言晉不能修禮諸侯所以貳

○秋八月晉師還范武子將老

老致仕初受隨故曰隨武子後更受范復為范武子

召文子曰燮乎吾聞之喜怒以類者鮮

文子士會之子爽其名

易

者實多

易遷怒也

詩曰君子如怒亂庶遄沮君子如祉亂

庶遄已

詩小雅也遄速也沮止也祉福也

君子之喜怒以已亂也弗已

者必益之卻子其或者欲已亂於齊乎不然余懼

其益之也余將老使卻子逞其志庶有豸乎

豸解也欲使卻

子從政快志以止亂。○豸直是反。

爾從二三子。唯敬

二三子。晉諸大夫。

乃請老。郤

獻子爲政

○冬。公弟叔肸卒。公母弟也。凡天子之母弟。公在

曰公子。不在曰弟。

以兄爲尊。

凡稱弟。皆母弟也。

此策書之通例也。庶弟不得稱

公弟而母弟或稱公子。若嘉好之事。則仍舊史之文。惟相殺害然後據例以示義。所以篤親親之恩。崇友于之好。釋例論之備矣。○穀梁傳其曰公弟叔肸賢之也。其賢之何也。宣弑而非之也。非之則胡爲不去也。曰兄弟也。何去而之。與之財。則曰我足矣。織屨而食。終身不食。宣公之食。君子以是爲通恩也。以取貴。

乎春秋

經十有八年。春。晉侯衛世子臧伐齊。

齊不與于諸侯之會而伐之也。

○公伐杞。

無傳。

○夏。四月。

○秋。七月。

邾人戕鄆子于

鄆

傳例曰自外曰戕邾大夫就鄆殺鄆子。汪氏克寬曰邾稱人蓋邾子也。使暴微者則當書曰盜殺鄆子某。

○甲戌楚

子旅卒

未同盟而赴以名異楚之葬僭而不典。故絕而不書同之夷蠻以懲求名之偽。

○公孫歸父如

晉○冬十月壬戌公薨于路寢○歸父還自晉至

筮遂奔齊

大夫還不書春秋之常也。今書歸父還奔善其能以禮退不書族者非常所及今特書略之筮魯竟外故不言出。

傳十八年春晉侯衛太子臧伐齊至于陽穀齊侯

會晉侯盟于緡以公子彊為質于晉晉師還蔡朝

南郭偃逃歸

晉既與齊盟守者解緩故得逃。緡才陵反。

○夏公使如楚乞師欲以伐齊

公不事齊齊與晉盟故懼而乞師于楚不書微者行。

○秋邾人戕鄆子于鄆凡自虐其君曰弑自外曰

戕 弑戕皆殺也。所以別內外之名。弑者積微而起。所以相測量。非一朝一夕之漸。戕者卒暴之名。○孔疏。弑者試也。言臣下伺候間隙。試犯其君。戕者殘也。言外人卒暴而來。殘賊殺害也。釋例曰。列國之君而受害于臣子。其所由者。積微而起。所以相測量。非一朝一夕之漸。故改殺為弑。戕者卒暴之名。有國之君。當重門設險。而輕近暴客。變起倉卒。亦因事而見戕也。

○楚莊王卒。楚師不出。既而用晉師。成二年戰于峯是楚於

是乎有蜀之役。在成二年冬。蜀魯地。泰山博縣西北有蜀亭。在今山東濟南府泰安州西。

○公孫歸父以襄仲之立公也。有寵。歸父襄仲子欲去三

桓以張公室。時三桓強。公室弱。故欲去之以張大公室。與公謀而聘于晉。欲以

晉人去之。冬。公薨。季文子言於朝曰。使我殺適立

庶以失大援者。仲也夫。適謂子惡。齊外甥。襄仲殺之而立宣公。南通於楚。既不能固。又不能堅。事齊。

故云失大援也。○文子怨歸父，欲去三桓，故借此以為之罪。

臧宣叔怒曰：當其時，不能治

也。後之人何罪？子欲去之，許請去之。

宣叔，文仲子。武仲，父許，其名也。時為司寇。

主行刑，言子自以歸父害已，欲去者，許請為子去之。

遂逐東門氏。

襄仲居東門，故曰東門氏。

子家還及

笙。

子家歸父字。

壇帷復命於介。

除地為壇而張帷，介副也。將去使介反命於君。壇音等。

既復命。

袒括髮。

以麻約髮。

即位哭，三踊而出。

依在國喪禮設哭位，公薨故。

遂奔齊，書

曰：歸父還自晉，善之也。

春秋左傳杜注卷第十一